

儋縣志卷之四

置建志

城池 附公署 學校 附鄉飲酒 書院 學堂 壇廟 倉儲
古蹟 塋墓 養濟

方志建置郡邑宮室皆有圖蓋倣漢世明堂洛陽宮殿之例儋舊志建置不列圖而城邑衙廨壇壝祠廟書院學堂典章制度前後修造皆備載之不以圖闕而廢惟自民九之後衙廨祠廟書院學堂多為土匪焚燬而舊志復多散佚考究無從茲僅就府志及採訪所得搜輯成篇俾後之覽者知某處為某衙廨某處為某祠廟某處為某書院學堂庶於古時建置尙能歷舉其名不致焚燬而盡失所據至新縣署及各機關之建設自民十四移治敦敦至民二十三規模始粗備焉志建置

儋縣志

卷四

建置序

首

瓊州海口海南書局代印

儋縣志卷之四

建置志一 城池

城池 公署附

漢儋耳郡城在舊宜倫縣高麻都浦灘舖樓船將軍楊僕所築僅二百六十步高一丈四尺唐初置州始徙高坡即今址距浦灘舖舊址三十里宋元因之明洪武六年知州田章拓址築基指揮周旺運石鳩工周四百七十二丈廣一丈八尺高二丈五尺雉堞八百一十有四窩舖二十有七關門四東曰德化南曰柔遠西曰鎮海北曰武定上各建敵樓外築月城沿城浚濠周四百七十七丈闊五丈深八尺後守帥徐真徐春等增飾門垣樓舖壕塹弔橋隆慶間知州陳儵創建四角樓今廢清康熙二十四年霪雨傾圮二十七年知州沈一誠捐修乾隆六年題准動項重修道光七年知州汪阜捐修東南北三門月城及甕城門補葺城垣雉堞府志

儋縣志

卷四

建置 城池

一

瓊州海口海南書局代印

萬壽宮在州城內道光元年知州錢維清捐建十五年圯于風署知州譚光第松壽相繼重修久廢

公署

州署唐初置儋州遷于高坡即今州治宋元雖改郡城州改軍皆仍舊署明洪武二年知州田章修建二十九年知州王彥銘建堂廨庫獄吏舍儀門外設土地祠迎賓館規模畢具後知州林洪羅傑陳袞毛鶴蕭宏魯潘時宜吳泮陳儵潘楠曾邦泰歷次踵修清康熙二十九年知州沈一誠修乾隆六年知州姚建題准動項修葺嘉慶十三年知州曹世華修道光四年知州朱蔡修府志光緒二十六年知州王之翰修增置軍械文案等室民國元年縣長陳天輔增開窗門四年縣長張吉鯤增建花園竹木幽雅名曰綠陰深處二堂之西有南向橫屋一間三眼及新建監獄一間三眼監官房一間三眼及監獄各房等皆清光緒末年將桄榔廳舊址改建民九盡燬于七

匪據探訪冊

桄榔廳在州署右一間三眼州舊志散佚建造年代無攷探訪冊

學正署在學宮左府志州舊志散佚歷代修葺無從考正惟民國九年五六月間駐防統領蔡炳寰重修民九之難燬于火採訪冊

訓導署在學宮右府志清光緒中年已頽圯

吏目署在州署東康熙二十八年吏目周一士重修府志乾隆以下重修姓名舊志佚無攷民九之難燬于土匪

薄沙司巡檢署在城西南八十里舊爲安海司巡檢署知縣葉世華建羅傑重修久廢儋州營遊擊署在州城內東門大街順治八年建乾隆四十一年嘉慶四年俱重修府志光緒十八年遊擊徐贊彪重修大堂并東西轅門及東西鼓樂亭與照壁圍桿等清末綠營奉裁署中前後左右陸續頽圯民九之難焚燬一空以上採訪冊

儋州營守備署在西門內大街順治八年建乾隆三十六年重修府志署之東邊爲軍裝房有大炮十餘尊又東邊空地一所建設火藥局民九之難均燬于土匪全上新縣治自民國九年八月十八舊城被土匪焚燬只存聖廟義學於十四年移來敦教

儋

縣志

卷四

建置 城池

二

瓊州海口海南書局代印

坡先建設縣署及中山街仲愷街陸續建設廷芳民生民權石牛等街越民國二十三年規模租備凡各機關并馬路另詳載市鎮門新州鎮內全上

建置志二 學校

州儒學在州城外西南隅宋慶歷四年建在城東紹興二年知軍葉元璘移於城南紹興二十一年知軍陳適移於城東南隅李光有記見金石志至元二十一年知軍吳桂發置學田大德九年遷於城東舊址至大二年軍判任大忠重建明倫堂明洪武初額設學正一人訓導三人三年知州田章重建殿堂兩齋區曰育材成德十四年學正王麟彭邇相繼修永樂十一年知州陳敏學正鄭濟重修正統五年州同梁端置菜地十二年州同陳應及知州周鐸修明倫堂成化九年知州羅傑以副使涂棐命修殿宇饌堂增學舍十五間宏治二年知州鍾英遷於城外西隅廢宜倫學舊址正德七年知州陳袞遷於城內東南隅創殿堂塑像未竟十年推官蔣英繼修始備嘉靖九年吏目姚爵增修學舍訓導傳聰置祭器十年知州蕭宏魯建啓聖祠敬一亭修學舍十六間二十六年知州宋塗撥置學田三十二年知州潘時宜同知吳偉重修廟廡齋廚置祭器書籍黃通志萬歷四十三年知州曾邦泰復遷於廢宜倫學舊

儋

縣志

卷四

建置 學校

三

瓊州海口海南書局代印

址即今儒學重建殿堂齋廡櫺星門戟門泮池啓聖祠曾邦泰李待問俱有記伏清朝順治十八年舉人曾開倡首同學正陳祝訓導歐陽霖協捐重建康熙二十三年知州楊焜修櫺星門及兩廡二十五年知州李仲極修正殿兩廡儀門及明倫堂四十三年知州韓祐捐修正殿及啓聖祠蕭志乾隆元年題准部覆動項修葺阮通志嘉慶間紳士王禹昌符朗邀捐重修道光十四年署知州諸鎮松壽吏目諸學宗學正黃載莊倡捐重建明倫堂府志現正殿戟門兩廡多頽壞不堪寓日據採訪名宦祠在明倫堂左祀歷代名宦十二人祠及名宦牌均燬

宋

張中

據昌化縣名宦補因宋儋爲昌化軍故錯入昌化縣也

陳中孚

陳適

以上二名據州舊志陳中孚傳補

明

羅傑

陳榮選

潘楠

曾邦泰

鄭濟

陳節

清

沈一誠

韓祐

錢維清

按府志明名宦僅載上五名自陳節至清錢維青據府州志宦績傳補尙登識
鄉賢祠在明倫堂右祀歷代鄉賢九人祠及鄉賢牌均燬

黎子雲

王霄

符確

趙荆

董綾

羊修

薛遠

楊彥

曾開

曾閱據家傳

按府志州鄉賢僅載董羊楊三名餘均據州志名賢補全上

康熙二十五年

御書萬世師表匾額頒掛大成殿府志復頒

御製

至聖先師孔子贊並序於學宮二十六年

儋

縣

志

卷四

建置 學校

四

瓊州海口海南書局代印

詔天下郡縣選佾舞生大合樂以祀先聖歲以春秋二仲上丁釋奠

正獻官一分獻官四十九年

詔武職許祀 文廟與文職官一體行禮以上據瓊山南海等志補

雍正五年奉

詔改啓聖祠爲崇聖祠三年奉

上諭

大成至聖先師孔子聖諱理應迴避嗣後除四書五經外凡遇此字並加卞爲邱讀作期

音四年

御書生民未有匾額頒掛大成殿

詔文廟用黃色琉璃瓦三十二年奉

詔改戟門爲大成門

嘉慶四年

御書聖集大成匾額頒掛大成殿

道光三年

御書聖協時中匾額頒掛大成殿

咸豐三年

御書德齊覆載匾額頒掛大成殿

同治元年

御書聖神天縱匾額頒掛大成殿

光緒元年

御書斯文在茲匾額頒掛大成殿

宣統元年

御書中和位育匾額頒掛大成殿以上參瓊山志

光緒三十二年十二月二十日孔子升為大祀禮部議覆奏摺

竊維孔子德參兩大道冠百王為生民以來所未有及門諸子定論昭垂自漢至明歷代帝王未嘗不事推崇而典禮終多缺畧至我朝乃極崇隆聖祖仁皇帝釋奠闕里

儋

縣志

卷四

建置學校

五

瓊州海口海南書局代印

三跪九拜復以曲柄黃蓋留供廟廷世宗憲皇帝釋奠臨雍稱詣學不稱幸學案前上香特諭躬親奠帛獻爵跪而不立黃瓦飾闕里之廟追封至五代為王聖誕虔肅致齊聖諱特加敬避高宗純皇帝闕里釋奠拜跪之數黃蓋之留均法聖祖又倣世宗欽定闕里文廟之制以黃瓦飾太學文廟大成殿大成門特飭太常另繕禮節躬行三獻之儀至列聖御書文廟碑文聯匾宸章煥發尤必本配天之意務極闡揚是崇德報功之典遠軼前朝實隱然有升大祀之意引而未發今我皇太后以列聖之心為心皇上以先師之道為道心源默契德音孔昭曠典特頒日星彪炳跪誦之下欽服難名臣等又伏讀雍正五年諭曰堯舜禹湯文武之道賴孔子纂述修明魯論一書尤切人生日用使萬世倫紀以明名分以辨人心以正風俗以端若無孔子則人將忽於天秩天叙之經勢必尊卑倒置上下無等千名犯分越禮悖義君不君臣不臣父不父子不子其害何勝言哉惟有孔子之教統智愚賢不肖無能越其範圍此所以治萬世之天下為民生所未有也使為君者不知尊崇孔子何以建極於上而表正萬邦乎祖訓煌煌實與此次繪音先後一揆雖今日人心好異學派或致紛

歧一經顯示欽崇自足收經正民興之效謹將所議升祀典禮另繕清單恭呈御覽是否有當伏乞

皇太后皇上聖鑒訓示施行如有未盡事宜容再悉心詳議具奏 先師既升大祀理應

三擡書寫合併聲名謹奏

一廟制街門三間大成門五間大成殿七間暨御碑亭十四座舊制皆覆黃瓦餘覆綠瓦今擬改爲通覆黃瓦

一神牌舊制朱地金書今擬金地青書

一神幄及案衣舊制銷金紅緞今擬改用紅雲緞

一爵舊制用銅親臨釋奠增設鑲金銀爵一鑲金銅爵二今擬均改用玉

一祭品舊制十籩十豆今擬加十二籩十二豆

一樂舞舊制六佾今擬用八佾舊制專用文舞今擬添用武舞以上據瓊山志增尙登識

五王殿在大成殿後一間三眼現破壞不堪寓目探訪冊

專經閣在五王殿後一間三眼現破壞甚多探訪冊

儋

縣志

卷四

建置 學校

六

瓊州海口海南書局代印

鄉飲酒附

明洪武初年詔歲孟春孟冬有司與學官率鄉老行鄉飲酒禮於學校十六年始定制歲以正月望十月朔舉行先期預推境內士大夫齒德俱尊者爲賓次爲介爲衆賓肅啓延之屆期味爽執事者宰牲具饌布席主及僚屬司正先詣學遣使肅賓比至執事者報賓主率僚屬出迎庠門外三揖三讓而後升堂再拜就位賓位西主位東司正行揚觶禮執事者授酒司正舉酒揚觶曰恭惟朝廷率由舊章敦崇禮教舉行鄉飲非爲飲食凡我長幼各宜勸勉爲臣盡忠爲子盡孝長幼有叙兄弟恭內睦宗族外和鄉里無或廢墜以忝所生讀畢司正飲酒畢復位乃唱讀律令執事者舉案引讀律令者至案前北面立賓饌以下皆拱聽聽畢各揖就位執事者舉饌案賓主交置酒於席畢各就位鳴鐘鼓歌鹿鳴諸詩執事者唱獻酬畢交拜就位執事者唱飲酒或三行或五行乃起執事者唱徹饌主東賓西贊兩拜東向望闕謝恩揖出主人送賓以次下堂分東西行三揖出庠而退

儋

縣志

卷四

建置

鄉飲酒

七

瓊州海口海南書局代印

清順治二年

詔行鄉飲酒禮於學宮康熙十七年奉裁鄉飲銀春冬共銀一十三兩禮遂寢二十三年奉文復給六兩五錢乃復舉行或行或寢歲無一定雍正元年奉旨加謹舉行乾隆二年刊發儀注坐次圖式於學宮

以上據南海瓊山志補尙鑒識

建置志二 書院

宋

零春書館在零春都宋王霄建府志

明

振德書院在城外嘉靖三十四年知縣潘時宜建黃通志

圖南書院建置未詳府志

義齋書院在天堂都州志有天堂書屋疑即此 洪武間國子學正曾寶建并置田十畝今廢

湖山書舍在州城東今廢以上府志

松堂書屋在州西二十里明陳瓚建參通志

蘭村德義書館明許子偉建有記見金石志

玉山精舍

寶山別墅明沈瑛建

儋縣志

卷四

建置 書院

八

瓊州海口海南書局代印

龍溪耕讀軒

頓積社學

峨蔓社學

大英社學

長安社學

大水社學

田頭社學

三鱸堂社學

以上社學十七所據舊志云俱明成化間建今僅存其名

清

東坡書院即載酒堂在州城東門外建置年代詳見古蹟門 乾隆間知州裴鏗將前知州唐

瑜舒捐買義學田二處撥入書院共收租米四十一石五斗五升又每年徵收地租

錢一百五十九千二百二十文以為延師膏火之費或有不敷官為捐給道光三年

副貢唐書啟首倡捐修府志 光緒十九年紳士周秉忠等倡修正殿講堂頭門增建兩廊及上中四耳房二十四五年進士王月樵先生主講其間裁成者衆清末改設農學民國七年瓊崖道尹梁邁捐銀修葺正殿及左右圍墻池塘等二十三年革命軍獨立團王團長首倡重修參採訪詳見壇廟東坡祠

麗澤書院原係古儋義學在州城外東南隅明給事中許子偉建日久傾圮康熙三十九年知州韓祐捐資因舊址重建前堂祀文昌像中爲麗澤堂周緣以垣與載酒亭巍然相向每年仍捐俸延師課讀四十四年又倡率紳士及義學生童捐置舖屋三間歲收租錢爲文昌祭品之費道光七年風雨倒塌八年重建府志 因名爲麗澤書院咸同間經文昌舉人蔡幹東瓊山進士鄭天章先生相繼掌教文風大振光緒中年唐典初王月樵周稷農曾秀夫諸先正互相設帳裁成士類桃李成蔭光緒二十五年吳鐵橋先生由廣雅畢業歸知州王之翰聘爲院長以經史實學課後進又改爲經濟書院知名之士一時稱盛今爲中和鎮高小學校參採訪

桃榔書院原係桃榔菴光緒十三年州尊崔增瑞由本城屠案撥款興辦宣統二年改

儋

縣志

卷四

建置 院書

九

瓊州海口海南書局代印

爲中和高初小學校

文會學館在振德里頓積通村全建

興文學館在振德里蘭山村王姓建

蔚文學館在振德里沙井村王姓建

龍池社學在城外大街尾三角地清初曹世華建光緒十二年城紳曾毓珍倡首捐修

民九燬于土匪

鳳池社學在城外窰上巷爲鄉先正課士之地

興文社學在西門外清光緒間城紳何冠纓唱捐重修俱全上

以上採訪冊

建置志四 學堂

民國

全縣各級學校一覽表

- | | |
|------------------|------------------|
| 儋縣縣立初級中學校 新州鎮 | 私立長塘初級小學校 長塘村 |
| 儋縣第一區區立第一小學校 新州鎮 | 私立西邊初級小學校 西邊村 |
| 第一區長春聯立小學校 長春鎮 | 私立新新初級小學校 新基鎮新村 |
| 中和鎮鎮立小學校 中和鎮 | 私立毓英初級小學校 羊坊村 |
| 新英鎮鎮立小學校 新英鎮 | 私立先鋒初級小學校 周坊村 |
| 長坡鎮鎮立小學校 長坡鎮 | 私立周坊初級小學校 周坊高屋村 |
| 敦曲鄉鄉立初級小學校 敦教村 | 私立郁文初級小學校 周坊新村 |
| 零春鄉鄉立初級小學校 零春村 | 私立書村初級小學校 書村鄉 |
| 七里鄉鄉立初級小學校 七里村 | 第二區尚義聯立初級小學校 東成鎮 |

儋縣

志

卷四

建置 學堂

十

瓊州海口海南書局代印

- | | |
|----------------|-----------------|
| 光村鎮鎮立小學校 光村鎮 | 私立南隆初級小學校 南隆市 |
| 頓積鄉鄉立小學校 頓積鄉 | 第四區大星鎮鎮立小學校 大星市 |
| 抱舍鎮鎮立小學校 抱舍鎮 | 私立漢光小學校 雅星市 |
| 第三區區立第一小學校 洛基鎮 | 江南聯立初級小學校 |
| 區立第二小學校 那大鎮 | 大成鎮鎮立初級小學校 大成鎮 |
| 區立第三小學校 軍屯村 | 南辰鎮鎮立初級小學校 南辰鎮 |
| 區立第四小學校 番真村 | 金富鄉鄉立初級小學校 金富鄉 |
| 那大鎮鎮立小學校 那大鎮 | 第五區王五鎮鎮立小學校 王五鎮 |
| 私立靈光初級小學校 那大鎮 | 白馬井鎮鎮立小學校 白馬井鎮 |
| 私立尙志初級小學校 文羣村 | 排浦鎮鎮立初級小學校 排浦鎮 |
| 田表鄉鄉立初級小學校 田表鄉 | 私立糧料初級小學校 糧料村 |
| 羅使鄉鄉立初級小學校 羅使鄉 | 私立沙地初級小學校 沙地村 |
| 橫嶺鄉鄉立初級小學校 橫嶺村 | 私立田地初級小學校 田地村 |

私立龍頭初級小學校 龍頭村

私立朗田初級小學校 波明田村

私立何村初級小學校

私立新坊初級小學校 半新坊村

私立徐浦初級小學校 徐浦村

私立田頭初級小學校 頭田村

私立妙山初級小學校 妙山村

私立鎮文初級小學校 鎮遠村

私立生活初級小學校 山村村

私立南庄初級小學校 南庄村

私立蘭城初級小學校 蘭城村

私立育英初級小學校 簾根村

私立福村初級小學校 福村

私立打臘初級小學校 打臘村

私立大達初級小學校 大達村

第六區區立第一小學校 海頭港鎮

私立和協初級小學校 禮樂村

海頭新鎮鎮立小學校 海頭新鎮

私立大屯初級小學校 大屯村

老圩鄉鄉立初級小學校 老圩鄉

私立新地初級小學校 新地村

南華鎮鎮立初級小學校 南華鎮

私立文漢初級小學校 文漢村

那歷鄉鄉立初級小學校 那歷鄉

私立舊鋪初級小學校 舊鋪村

私立港口初級小學校 海頭港鎮

儋

縣

志

卷四

建置

學堂

十一

瓊州海口海南書局代印

紅坎鄉鄉立初級小學校 紅坎鄉

洋浦鎮鎮立初級小學校 洋浦鎮

第七區區立第一小學校 太成鎮

第八區區立第一小學校 木棠鎮

私立重申初級小學校 南坊村

江村鄉鄉立小學校 江村鄉

私立申南初級小學校 南坊村

私立木棠初級小學校 木棠老市

私立高堅初級小學校 臨高村

縣立第一二三四短期小學校

以上據教育局各學校一覽表修

考棚在城東門內庫廳牙門左邊前為舊倉地清光緒二十一年鄉紳周秉忠等由合州聯捐新造知州向東森擇日正座一間三眼上有魁星樓二十四年增建東西兩號舍為考試各童坐號光緒末迄民國改為縣立第一高小學校民九燬於土匪

建置志五 壇廟

社稷壇在城外西南隅明萬歷癸巳知縣陳榮選建碑尙存參府志

先農壇在城東里許東坡祠之左旁清末已頽圯先農石碑及祠外石牛尙存民國二十三年革命軍獨立團團長王定華倡首捐修東坡祠後將先農祠舊址闢作球場參府志及採訪

風雲雷雨山川壇舊在南門外明正德壬申知縣陳袞移於西南隅舊宜倫學址後遷

建東坡廟右側府志民國二十三年團長王定華倡修坡祠後將右邊地闢作東坡公

園壇碑及大石板照存右邊地自前明州署親友及流寓所葬之塚墓與碑記約數十具駐防營長何宗範偕城紳商等擇地遷葬於城南黃牛坡下之山園照建碑記據採訪

訪

厲壇在城外西北隅明萬歷間知縣陳榮選建清道光十四年裁府志

關帝廟在州治前東南坊前明宏治間指揮周遠建萬歷庚子千戶陸于盤修府志有

儋

縣志

卷四

建置 壇廟

十一

瓊州海口海南書局代印

清一代均歸武營奉祀爲武聖宮廟凡有修造皆由武營官兵捐資督理每年正月十五夜武聖出遊官民同慶相沿成例民國三年袁大總統合祀宋岳武穆從祀者二十四人於歲時春秋致祭與孔廟並崇又改爲關岳廟民九之難頭門後殿八角亭俱毀於土匪正德畧存民國十四年駐防團長楊再新營長鄧胤安捐俸修葺頭門後殿城民捐修八角亭及正殿民國二十年縣長張軍增建左邊兵房民國二十二年兵房及八角亭將頽城民捐修始不至於傾圮據採訪

城隍廟在州署右明正德壬申知縣陳袞建丁丑推官蔣纓修萬歷己酉推官熊師望

修府志清道光間城民曾宗聖等倡修正殿兩廊及頭門民九之難均於燬土匪民十四城民捐修頭門民二十三德國醫士葺修廚房等設爲醫局採訪冊

天后宮在城東門外大街尾一名朝天宮明萬歷丁酉吏目周行率商人創建府志清初爲廣府會館道光間城民增建頭門外戲臺廟地前後環水最爲清爽光緒十八年城紳謝尙珍設教於此倡捐重修廟宇一新燬於民九之難民二十三年國民革命軍獨立團第三營營長何宗範捐俸及本城市政會撥款改建中和鎮市場於舊

址據採訪

天后宮在銷皮街清初為福潮會館上下兩進中有靖海四角亭前後兩溪環繞鄉先生多教讀於此民九燬於土匪據採訪

寧濟廟在州署前直街東南坊祀譙國夫人馮洗氏宋紹興間封顯應夫人名其廟曰寧濟府志 夫人自梁陳隋三代為僧所歸附廟門有歸附黎首九具自有唐來已立

廟據東坡居僧錄馮洗古烈婦一首有廟貌空復存碑板漫無辭之句可知大概自宋迄明時有重修因舊志散佚無從稽考惟清同治間有遊擊洗振廷者由武營聯捐重修光緒二十七八年城民捐資新建神閣八角亭及修葺正殿頭門等民九之難廟宇神像俱燬於土匪民十二城民恢復中進祠宇及頭門民十三又重建正殿今為鎮公所據採訪

將軍廟在城東北五十里官道旁相傳元末鄉老符元德輩歸自州城夜見戎服執戈者坐榕樹下曰我將軍勞勦也同奧里天祥平黎死當廟食此地言訖不見鄉人立像祀之祈禱有應府志

儋

縣志

卷四

建置 壇廟

十三

瓊州海口海南書局代印

真武廟在北門城樓府志地點為一州名勝民九之難燬於火採訪

忠顯廟在城西宋建祀雷部之神俗稱為鄧元帥府志久廢

貞利侯廟在城西神尖山上府志久廢

龍王廟在東門外觀音菴前久圯嘉慶十九年知州言尙煒捐修府志

按龍王廟即海潮古菴在東門外江水巷大殿一座三眼祀觀音殿聯云心內即菩提綠水青山到處如臨佛法主性中無羅刹晨鐘暮鼓隨時響應宰官身鄉先輩謂有仙氣清初知州曹世華增建中座及頭門中座祀龍王故稱為龍王廟匾額有曹世華增建中座小引民九燬於土匪

馬王廟在南門內府志 上下兩進中有四角亭民九之難燬於火

五顯廟在東門內府志 上下兩進中有四角亭左旁有橫廊兩眼民九燬於土匪民十四城民恢復頭門

東坡祠初在城南洗榔菴舊址元延祐四年廉訪僉事大都軍建後移城東二里載酒堂府志前明知州陳敏易茅以瓦羅傑加築垣墻州舊志歲久復圯知州陳榮選修葺

之復於祠左建欽師堂為諸生會文之所與祠並峙見王時宇海外集堂久廢現存欽師泉碑或帥字為刻石之誤志散佚無所考正抑清康熙九年滕元鼎重修有碑記見金石畧光緒十九年紳士周秉忠等

由書院撥款重修增造兩廊上中四耳房及頭門等民七年瓊崖道尹梁邁巡撫捐俸四百元增築左右圍牆及修葺上中殿與耳房池塘匾對神袍重新之用民九之難祠宇雖存而剝落荒涼不堪寓日民二十三年甲戌國民革命軍獨立團團長王定華巡部至儋瞻禮之餘不勝摧殘剝削之感因首倡重修召集本城紳商開會選舉委員分任監修經於甲戌八月興工迄乙亥四月而東坡祠上中下三進左右兩廊堂廡門室及耳房圍牆八角亭池塘東坡橋公路與東坡公園一律告竣此舉費銀約五千大元之譜合計捐來瓊崖綏靖公署瓊海關海口總商會及營長縣政府州城那大洛基長坡王五海頭各捐款約二千四五百元外餘皆王團長定華先後墊捐何營長宗範鄭連長良輔暨城紳商各委員監督而成正殿中祀蘇文忠公像宋學士贈太師東坡蘇公神位牌左祀公嗣斜川蘇先生像右祀公友子雲黎先生

儋縣志 卷四 建置 壇廟 十四 瓊州海口海南書局代印

像附廣東學政惠公士奇神位牌配享參採訪冊

三賢祠在州署西海南道行署舊址府志久廢

蔡公祠在城南門內明崇禎元年建祀教諭蔡克剛訓導蔡克敬同知蔡克恭祠府志久廢

董公祠在北門外府志久廢

白衣祠在州東北二十里松林嶺上明萬歷二十四年給事中許子偉建府志

曾公祠在水井村為舉人曾開建府志

賢宦祠在東門內明萬歷間州人為知州陳榮選建并刊石像後知州陳節潘楠徐時

用曾邦泰皆有惠政士民為立位附祀於祠上下兩進清鄉先生多教讀於此隨時

修葺民九之難盡燬于火民十四城民捐款恢復原廟今為第一區平民醫院

周公廟在州治前明宏治間符南蛇亂指揮周遠有破賊功州人立祠祀之久廢

高公祠在州署內祀明知州高葵卿嘉慶二十四年知州錢維清剔除積弊惠政及民道光十五年州民請於署知州松壽為設位祀焉民九燬于土匪

忠義孝弟祠

節孝祠俱在城外學宮旁久廢以上府志

桃榔菴在城南門外祀宋蘇文忠公軾公於紹聖四年七月初二抵軍儲居官舍有司不可乃買地構屋數椽為偃息之所嘗摘葉書銘以誌其處因名桃榔菴居儋錄終宋之世無祠至元延祐四年春僉海北海南肅政廉訪司事大都軍行部至是乃求其偃息之所構堂三間而像其中周以堂廡門室兩廡為房將以處郡人子弟擇師教焉命儒者六十家奉祠事又植桃榔為林而表之歸銘石林下祠成僉事范惇記以刻石見東坡祠碑記未幾祠圯元泰定間見府志古蹟門南寧軍判彭震卿始遷於城東里許之載酒堂見府志藝文元柳貫載酒堂七古小引有明一代舊址尚存清康熙四十五年知州韓祐即舊址建祠祀公以存古蹟見府志古蹟門祠復圯道光丁未城紳者邢惠李文彬潘莊曾聖宗謝錫桓等見藝文桃榔社詩集發起新構正殿五眼講堂五眼頭門三眼祀以牌位為宋贈太師端明殿大學士文忠蘇公神位及光緒十三年丁亥城紳曾毓瑛首倡呈請州尊崔公增瑞由本城屠案官價撥為士子膏火延師課

儋

縣志

卷四

建置 壇廟

十五

瓊州海口海南書局代印

士因改為桃榔書院並增建頭門耳房左邊小門及門外照壁自是人文蔚起入膠洋者頗多清末及民國廢科舉設學校又改為中和高初小學校增造上座東西兩廊講堂改鑲鏡牕規模宏敞為英才樂育之地民九之難盡燬於土匪參採訪

案神座左右有小和張公繼鄒浴汀張公霈幹臣崔公增瑞各長生祿位牌配享觀音菴在城南門內馬王廟後東向正座五眼祀觀音左右祀羅漢及左右兩廊中有四角亭民九均燬於火

長泰菴在城南門內奉釋迦佛上下四合及頭門地頗寬廣民九盡燬於火

準提菴在東門倉後街前自有明及清初為日慧菴迨康熙間始改為準提菴奉準提佛菴內清淨花木芳香為各菴所不及光緒十一年主持比丘尼昌蓮重修正殿五眼十九年續修中座五眼頭門三眼及四角亭三十二年州牧陸長泰借名改辦學校所欲不遂將菴尼移往長泰菴合住而準提菴無人管理自是寢廢民九之難始燬盡以上採訪冊

忠孝節義祠在城西門內道光間知州張繼鄒建祀忠孝節義男女各牌位祠燬於民

九之難志失無攷惟記有殉難忠義麥秀祥一名係城內東南坊恩貢麥芬之父節孝爲前清部札旌表各節婦參採訪

社倉在忠孝節義祠左邊清光緒九年由城民花戶題捐積款購田每年二春稻子約五十車爲本城凶荒之用民九之難倉穀均燬於火田產亦賤價出賣以濟難民參採訪

演武廳在城外教軍場旁有將臺爲清武營看操之所民九燬將臺存全上去思祠在城西門內萬聖宮對面爲清遊擊四德建後改爲文昌廟全上

王五文昌宮清光緒戊寅年建正殿頭門廿九年添建中廳民十一二年添建左右兩廊歷來均在廟內開設高初小學校校左隙地闢爲校園廣約三四畝築一假山名松坡山鑿一圓池徑約丈餘池旁種植花木地勢高敞空氣光線均適於用

王五天后宮今改爲鎮公所內設中山紀念堂
王五武帝廟今改爲區黨部

文昌閣在海頭那歷村重建於清同治甲戌年內祀文昌帝君

儋

縣志

卷四

建置 壇廟

十六

瓊州海口海南書局代印

文武廟在海頭港口建於清光緒丙午年祀文昌關聖二帝

南北二公廟在海頭港口祀陳麥二公相傳二公於明宏治間來儋助平符南蛇之亂以身殉難港民於清光緒丁丑年建廟祀之

太祖廟在海頭新市祀海豐提督鍾大元帥廟建于民國四年

康王廟在海頭老市爲清乾隆欽使建立

天后宮廟在海頭老市重建于民國四年

大鍾廟在海頭木萬頭嶺重建于己酉年八月祀提督鍾大元帥

中山紀念堂在海頭港口建于民國十五年以上採訪冊

建置志六

倉儲

明

清

明

常平倉在州署東額貯穀一萬二千三百二十二石八斗八升四合三勺社穀原捐續捐共一千四百六十六石八斗三升二合七勺府志久廢舊址改建考欄

清

社倉在西門內忠孝祠左旁光緒九年由城民花戶捐置每年二春租谷約五十車民九之難燬於火田產亦賤價出沽以濟難民據採訪冊補

建置志七

表坊

明

清

明

澄清坊 在海南道分司署

金粟坊 任新安都為舉人黃觀進立

文魁坊 在東廂為舉人羊嗣立

攀桂坊 為舉人黃智立

步蟾坊 在李許都為舉人吳福立

晉賢坊 為舉人薛喜立

儋

縣志

卷四

建置 倉儲 坊表

七

瓊州海口海南書局代印

登雲坊 為舉人李濟立 俱在薛官都

登士坊 在曾劉都為舉人孫良立

魁士坊 為舉人符喜立

射鰲坊 為舉人符添健立

鍾秀坊 為舉人吳欽達立 俱在高麻都

進士坊 在大英都為舉人黃萬合立

儒林坊 在儒學右為毛翹立

迎春坊 在東門外

來薰坊 在南門外

尚書坊 副使涂集為戶部尚書薛遠立

步月坊 在北門內為舉人歐陽暉立

梯雲坊 為舉人陳祐立

登雲坊 在薛官都為舉人薛嗣立

撥科坊 在北門內為舉人李仁立

文明坊 在南門外為舉人鄭翺立

發祥坊 在高麻都為舉人唐繼立以上俱廢

清

雙節孝坊 在西門內忠孝祠前為沈王氏沈胡氏立乾隆四十六年建民國十八年類

文魁坊 在西浦村為舉人王禹昌立

節孝坊 在西門內為李詹氏節婦立久類 民國六年復立在東坡祠左邊園外復類今坊石俱全存東坡公園內

建置志八 古蹟

儋耳山

一名藤山一名松林山為儋州主山白玉蟾修煉於此蘇軾詩
突兀隘空虛他山總不如君看道旁石盡是補天餘州舊志

儋耳城在城西四十里高麻都浦灘浦漢樓船將軍揚僕建即今舊州坡遺址尚存

富羅舊縣本在州境南漢廢析其地入臨高

宜倫舊廢縣在城南百步隋為義倫縣宋太平興國初更名宜倫紹興間郡守王齊遷

於城北三百步以其故治為倫江驛後改附州城西門內元因之明正統間省

吉安廢縣在州境北唐初沿隋名武德五年併入昌化縣貞觀初又析昌化復置乾元

中省入洛場縣

潯陽縣在州西三十里潯陽鎮唐元和郡縣志云天寶初於潯陽場置 按唐及地輿

諸書皆無此縣名潯陽場亦不知所在惟輿地紀勝載隸昌化軍

洛場舊縣在州境黎峒中州志作城南四十里即今洛窰村唐乾元中省吉安縣增置

後移儋州城宋省入宜倫縣以上俱舊志

儋

縣志

卷四

建置 古蹟

六

瓊州海口海南書局代印

布政分司行署在州署久廢明成化間知州羅傑重建于舊海南道舊址後廢改為三

賢祠 金通志

海南道廢行署在州署西後改為遊擊署

州同署在州署東 郝通志明知州羅傑建今廢

州判署在州署西 州志明知州羅傑建順治十年本州監生王崇奏裁州判遂廢

州吏目署一在州同署東一在州後東北

鎮南巡檢司舊署在州西南四十里田頭驛左知縣葉世華建今廢

安海巡檢司廢署在州西南八十里大村驛

贊政廳在州庫左知州陳儵建今廢

大豐倉大使廢署在州東 以上郝通志

河泊所廢署在州西十五里新英都 金通志

歸姜巡檢司廢署在州北五十里譚樂都明洪武初設久裁

廢歸姜驛在譚樂都

古僮驛在州東門外朝天宮後順治十八年裁

大員驛在州南一百一十里抱驛圖大員村明洪武間設順治間王崇奏裁

廢田頭驛在鎮南巡司右以上金通志

守禦千戶所廢署在州署西宋置土軍營元設黎兵防守其地

鎮撫司廢署在千戶署西

百戶所廢署在千戶署前

舊儒學宋建于城東紹興中徙東南隅紹熙中徙城南明宏治間遷于宜倫學舊址後俱廢以上郝通志

宜倫縣學舊址在城西

東坡故居在州城南故天慶觀側東坡至僮耳軍使張中館于行衙又別飭官舍為安

居計朝廷命有司逐出之中亦坐黜遂買地築室五間居之今故址僅存

陰陽學在州東知州羅傑建今廢

預備倉有三一在州署西南一在城東南隅一在州西北俱廢

僮

縣志

卷四

建置 古蹟

譙樓二一知州羅傑建曾邦泰重修一指揮桑昭建張鑰張泰重修

坡井在城西南坡口泉四時不竭傳云東坡公所鑿嘗夜與諸生王霄携瓢汲水於此

因名坡井

得月樓在城北二里宋知軍孫尙建久廢洪武間為接官亭成化乙巳知州羅傑重建

改名迎恩館萬歷丙申知州陳榮遷重建

動鑑閣在載酒堂前宋知軍周中建胡銓取韓詩輕暖參差魚動鑑之句以名久廢

載酒堂在城東二里宋黎子雲舊宅外竹幽茂東坡與知軍張中載酒訪黎子雲坐客

欲釀錢作屋公慨然許之名曰載酒堂元泰定間重建今為東坡書院

九思堂在州治後宋知軍黃嗣建久廢

迎恩堂在城北小江橋永樂間宜倫主簿蕭韶建為迎詔之所

無倦齋在城北陳氏園中前係堅白堂知軍陳適構李光改名無倦齋

天慶觀在城東南隅久廢

尊賢堂在州東二里蘇東坡得曾氏地築居後知軍譚景先建堂于舊址以祀東坡因

名久廢

堅白堂在城北陳氏園中

秀香堂在城北陳氏園中宋李光謫居構之取醉翁亭記野芳發而幽香花木秀而繁陰之義久廢

吏隱堂在城北隅宋知軍陳仲平建李光名久廢

文德堂在州西北五里元知軍達魯花赤特穆實招撫江花等峒黎歸化建堂誌之羅

伯龍記久廢記佚

細香堂在城南宋李光建學錄羊漂名

冠古堂在州治東宋知軍杜祁建李光名

雲錦亭在州東南與東坡故居相對宋知軍周自永建今廢

問漢亭在州治後大江橋北宋閩人許康民建胡銓題額明王佐有詩見藝文

詠歸亭在城北秀香堂側宋知軍鄔大昕建李光名以上久廢

湧月亭在城北宋郡人陳氏家塾下臨大江李光取杜詩月湧大江流名之今廢

儋

縣志

卷四

建置古蹟

二十

瓊州海口海南書局代印

賓燕亭在城南蘇東坡所居地四周皆池栽蓮後知軍陳覺嘗會賓客于上因名

籌邊亭在城東宋知軍黃嗣建

明秀亭在相泉上宋知軍方汝運建爲出郊祈雨憇息之所

臨清亭在城西北宋郡人黃旦築亭畔有清水池荷花四時不絕以上久廢

申明旌善二亭在州治大門外左右知州陳儵建久廢

博望臺在州東北重岡上久廢

熙春臺在州治宋建久廢

息軒在城東南天慶觀司命宮東坡有詩見居儋錄

統榔菴在城南宋紹聖四年七月蘇東坡到軍儵居官舍有司不可乃買地結茅數椽爲偃息所久成荒邱清康熙四十五年知州韓祐卽舊址建祠祀公以存古蹟以上

府志

湛然菴在州治後大江橋北宋泉州人許廷惠構

觀音菴在城東門外卽海潮古菴

凌霄菴在城西北五十里宋僧和靖圓寂處鄉人陳道源建菴祀之

清水池在桃榔菴之西

環池有蓮皆公手植胡銓李光會同遊玩記曰海南荷花嘗與菊梅相接蕊小而清香可愛

開元寺在城東久廢

三清觀在城東南久廢

那炭墩在州西三十里水中俗傳陳中孚所築以上俱見府志

儋州入景

天堂春色

在永豐里天堂村之前草色濃綠四時如春詳陂塘門

松林晚翠

在喬松里舊多松樹其色入晚而彌翠詳山川門

筆架籠烟

在順成里由縣之東南望之數峰排列如筆架然常有雲烟繚繞其嶺故名之然近登

儋

縣志

卷四

建置古蹟

三

瓊州海口海南書局代印

其頂則左爲石嶺右爲坭嶺石嶺有大樹生於石隙上有石數塊擊之如鼓鑼之聲坭嶺則有草而無樹中有一石穴口寬二尺餘長四尺餘下深七八尺可容方丈方丈處分三門東西兩門頗狹昔有人墜入終不能返因穴內崎嶇轉旋灣曲故也惟北向一穴稍寬可容人行相傳曩時陳元帥以繩縛其腰際曾來往於此採訪補入詳那細山山川門

顏塘漾月

在登龍里漾月村之前每當月照塘中波光蕩漾水月光如金銀宮闕在目前焉前清舉人學正文冠斗有詩云「半畝方塘一曲灣溶溶明月韞其間塘分月色凝冰片月盪塘波盪玉顏皓月映塘塘燦爛寒塘泛月月迴環等閒對面嫦娥語引上幃宮把桂扳採訪補入

馬井湧泉

在儲英里白馬井港舊志馬伏波將軍乘白馬跑沙得泉因爲井又說唐懿宗咸通五年派辛傅李趙四將部兵來此適渴白馬嘶噉跑沙得泉詳井泉門

龍門激浪

在承恩里之北為縣屬之極北海界也海濱大石嶙峋綿亘十餘里龍門山之南逶迤而高其北如峭壁之立海焉由海至頂高約三十丈大海潮來觸石汧汧浪花捲白如萬馬奔騰所謂激浪者一也山之東有一甕門高約十丈內闊六七丈由門下攀石行約數丈有疊石如屏為此門之障北風吹浪觸石而鳴所謂激浪者二也屏之右角石崩及丈相傳有一犁頭石隨波冲擊剝去海坎之石故龍門有壁立之形石屏之角亦為犁頭石冲壞云云臨海有一石豎起如烟囱頂平色紅謂之紅花印舊有句云(浪來難激紅花印差幸犁頭不再生)可知其境之奇闢也其壁處中有一洞相傳可通筆架嶺之石洞焉龍門下稱大灘頭水深十餘丈可泊輪船因多礁石之故並無沙岸阻禦北浪巨船亦少泊於此前清拔元陳有壯題七絕一首云龍門峭石勢嵯峨遠望潮來捲白波漫道艱難驚蜀道吾鄉仍有險途多

南薰載西

在城東里許之東坡書院內有載酒堂宋紹聖時蘇軾被貶至儋與鄉人黎子雲等相

儋

縣志

卷四

建置古蹟

三

瓊州海口海南書局代印

友善嘗携酒會飲於堂故名載酒堂前有半月池大門外有蓮花塘面積十餘畝花時美觀每年收塘租以充學費前清王雲清進士唐丙章舉人掌教在此故有書院之名及民國二十三年陳有壯拔元長第二高小學校學生分住此院暫改為學生寄宿舍有壯有詩云謫宦千秋尙有祠權奸何故罪加之堂前風月今猶昔憶否先生載酒時現年夏間王定華團長何宗範營長捐貲重修規模雄壯並建一公園於左右云

舊州西照

舊州浦灘白沙市之後漢樓船將軍楊僕立今尙有遺跡附近有古寺一間內設木偶像三位鄰村奉拜之有一大井味甘泉足可供千數百汲飲之需羊頤有詩云自昔知軍地於今豐華問霞留丹印古嵐靜紫烟環斜日銜山秀疏流帶石潺振纓驅穀處南微豈終蠻

石門唐屋村後山有大石一座凡置羅盤針指南針於石上其針不能轉動相傳有磁石不知確否

雲頭墩

在廣潤里公堂村前之右天欲陰雨即有雲烟浮於墩上故名

獅子山

在廣潤里六堂村之左孤立海中高約二十丈狀如獅子一名神尖又名神頭明指揮高卓禦寇歿此凡船隻經此者皆叩禱焉

毋鷄冠 在廣潤里公堂村之右距海約一里高約十餘丈四圍皆海

兩奇磅

在廣潤里大山村東北一名燈盞磅相傳夜嘗見火光射數里一名長賢磅內有一洞洞裏幽深外有奇石一塊擊之成鼓聲鑼聲

鷓鴣頭

在登龍里龍沙村前瀕海有一小石墩每逢天陰風浪交作則日夜喧鬧其聲可聞十餘里須至天晴始休故鄉人常以此卜陰晴謂之小沙浪

大奇石

儋縣志

卷四

建置 古蹟

三

瓊州海口海南書局代印

在登龍里顏塘村寶崇堂廟後廟中香火甚盛每著靈驗廟後大奇石劈開見石卯兩只大如椰子人方聚觀忽然雷聲隆隆電火四射兩卯竟不知所之此前清康熙十三年事也廟之右奇石聳疊中有一平石有天然足跡一雙十跡痕甚真古稱提教(神名)足痕

大屯塘

在興賢里大屯村之左相形名曰半月塘廣約二十步長約五十步水深四五尺明萬歷間有一瓊山失路兒童名許子偉號甸南身染惡疾浴於此塘其疾漸愈村廩生郭岐山公老夫妻同夢有一蛟龍之類游泳此塘及視之見兒童浴焉即收而撫育之習牧牛業然牧處每在村塾前後愛聞生徒讀書每逢塾師課題即代各生捉力師詢之使其入塾肄業後中明萬歷進士及義父母歿執子禮送葬如儀後返其鄉塘邊豎一石碑文曰許甸南先生讀書處另建一碑題曰德義書館清嘉慶張績舉人作書館對云半月掩池塘岐山豐草今猶綠千秋高德義烏府叢蘭久愈香

海岸曲灣

在拱極里美龍村前百餘步海岸天將陰雨有聲由曲灣裡發出如颶風撼樹之聲距二十里遠猶聞之

鑼鼓嶺

在拱極里鄧屋村後約一里有二小嶺其一嶺有一石如巨鑼其一嶺有一石如大鼓兩擊之則鑼鼓齊鳴其音與真者不辨

巨人石

在振德里買獲村老井壇之上古有余大士用手抱石坐南向北雄鎮一方

笨筭石

在迎恩里西場村邊兩石形如笨筭故名鄭中惠氏有墓葬此

鰲山村 即符南爺爺前所居之村（瓊州志已載符南爺之事）其村舊址森木甚多村

邊有三池村後一池極大稻田約計數千畝村前二池一名爲禾池一名爲養畜池抱舍嶺

有三奇蹟嶺有天然石磨一座高約六七尺磨之上截以手推之可使旋轉嶺腰有石

儋

縣

志

卷四

建置 古蹟

二

瓊州海口海南書局代印

馬鞍長約七八尺闊約五六尺人稱爲神仙遺跡嶺麓有池三處其一極大有水面積千餘畝之廣相傳採樵此地者嘗見蛟龍在池邊飛去云餘二處無水面積有八九畝之廣

仙姑潭 在正嘉禾里潭中有石鵝一對

東坡坐石 在大星市北十里此石中窩一處有袍痕鞋跡俱全如人坐起後所遺之迹附近小石皆有馬蹄迹相傳爲蘇東坡謫儋時來此石上坐過之處故名此處遠望新英大海如在目前山水環抱風景清幽鄉人擬建一亭於此以留勝蹟現在准備中

夫妻石 在長春里鼓嶺金富鄉之南夫石高式丈餘闊八尺面平如砥妻石在夫石之左高丈餘闊五尺相傳前有仙人題詩於石之最高處惜剝蝕已久今無字跡石筆石硯

在長春里新營村之左筆長約丈餘闊約一尺餘硯圓形闊徑約八尺此筆若有生氣據近世人云筆較從前長加尺餘筆尖向處正對石硯筆硯相距約數丈真奇蹟也

大頓小石

在長春里清風鄉大石闊約丈餘面扁圓形大石斜頓在小石上之坎處故以大頓小石為名

龍門潭

在長春里巴黎鄉與第三區交界之處潭深十餘丈底有石臺石几有一穴可通上下有一洞洞中闊約丈餘前為人禱雨處世傳經有龍從此飛去登天故名焉

燕子潭 在龍門下部潭水深十餘丈

洗兵橋 在正太平里距縣八十餘里大星市西南二十餘里大成市西北十餘里平岡下有數大石其一豎立如牆高約一丈橫等之向西北處面平刻有洗兵橋三字其凹痕不甚深然歷久不磨亦奇蹟也有一長六尺寬四尺之碑倒於後相傳明代平黎軍經此過特別刻字於石前清光緒年間父老傳云碑面字迹認有明代軍官官銜今已剝蝕殆盡矣然審此三字筆畫確非漢代之字體相傳為伏波遺迹恐屬誤傳且查舊志兩伏波亦未經此

儋

縣志

卷四

建置 古蹟

一五

瓊州海口海南書局代印

舊官衙

在同慶里田頭村西式里相傳南宋紹興間田頭村謝有奎奉委南寧知軍建置官衙一所於此立有碑記現存遺蹟

豬覆羊沸

在同慶里瓜蘭村前海邊一里許有石二塊似豬覆羊形水流石上四季不息土人稱為豬覆羊沸沛井前被雷火震壞其名猶存

蝙蝠峒又名飛獅峒

在珠江河南鴻溝嶺馬嶺毗連之處大石豎立高約二丈周圍四五里峒中成穹窿形可容百餘人坐立西南北三面有門可通入峒者以繩縛腰際峒外之人牽之持燈而行由南門至西門或中道向北門行如登樓然循階而上出峒時循繩而行方不迷途洞內石多奇異有類石椅石床者有小溝水由峒之西門流過南門滴滴有聲但遇旱則涸又有一陰潭源泉活湧由峒之北門流通珠江河之鴻溝塘綜觀峒之四面山勢蜿蜒岩石聳立路徑狹隘有一兵守關萬夫莫進之勢明朝同治時符南

蛇竄避於此今多蝙蝠麕聚於此故名之

捍門 在樂善里之東鴻溝島立兩嶺左右矗立宛如門戶因名為捍門門內之嶺以千數百計果如星羅棋布之稱堪輿家均稱此有大地前清雍正年間儋州州主王師且經到此觀覽曾吟詩一首詩云捍門之內有真龍天馬趕來天市中尾宿嘴星齊夾耳貪狼輔弼水流東奴砂盡拱左邊峙仙人現掌右邊逢吐出紫微直正脉回龍顧祖向離宮可惜真金無價買時師到此盡朦朧

觀音坐蓮 山脉出於德義嶺嶺上有巖墩兩座天然層疊高約丈餘墩下片壤坦豁巒嶂環拱狀似觀音坐蓮故名前清進士黃河清母墓葬此古傳為正穴云

鯉魚壩

在喬松里楊士村之左高崗一座石片兩塊形始鯉魚因此得名

儋縣志

卷四

建置 墓

二六

瓊州海口海南書局代印

建置志九

墓

宋

明

宋

陳庚中孚次子十二歲省解元

按地輿志山川門那細嶺之東麓有著名坟墓碑曰陳公解元墓疑即陳庚

墓據宦蹟陳中孚傳補尚鑿識

明

薛 綜墓在德義山下陳村前

梁成墓在州治北天堂書屋右側百步許

唐朝胤墓在州治東北松林嶺石巖之北知州蕭宏魯誌墓以上府志

陳 氏節婦墓在州城西里許官路左旁與其夫林維翰庠生合葬墓門旌表石坊尚

存左右兩石據採訪補

建置志十

養濟

養濟院舊在布政分司後屋三間知州羅傑建後圯明嘉靖間改建於演武亭後久廢
漏澤園在州治北郊外厲壇左明嘉靖八年大水多被溺者知州蕭宏魯收葬于此因
謂爲義園

仁園義塚在州南班家田山道光十一年生員曾溶等倡捐重修

叢塚在州南四十里保志營明宏治辛酉符南蛇作亂指揮何清統軍至此孤營無備
爲賊所劫叅議劉善遇害官軍死者甚衆賊解始覓得劉骸正德十年知州陳袞收
而窆之名曰從征官軍叢塚以上府志

興善大塚在州東里許東坡祠左邊園約數十墓民國二十三年甲戌國民革命軍團
長王定華倡修坡祠將左邊園增築爲東坡公園因出資遷葬各墓及碑記于城南
黃牛坡下之山園坐西向東照立碑記

義莊在城東門月城之左旁何時建造州志散佚無攷光緒中年由城民捐資改爲同

儋

縣志

卷四

建置 養濟

二七

瓊州海口海南書局代印

善堂爲育孤停柩之所光緒末年漸圯民九燬於火

以上據採訪補